



**“TRASTBANK” XUSUSIY AKSIYADORLIK BANKI
BANK OPERATSIYALARI METODOLOGIYASI BOSHQARMASIDA
RO‘YXATDAN O‘TKAZILDI**

**2025 yil 30 dekabr
236V-son**

“Trastbank” xususiy aksiyadorlik banki kuzatuv kengashining

**““Trastbank” xususiy aksiyadorlik bankining
2026 yilga belgilangan dividend siyosati”ni
tasdiqlash to‘g‘risida**

QARORI



**“TRASTBANK” XUSUSIY AKSIYADORLIK BANKI
KUZATUV KENGASHI
Q A R O R I**

**Bank faoliyatini boshqarishning
2026 yilga belgilangan siyosatlarini
tasdiqlash to‘g‘risida**

O‘zbekiston Respublikasining “Banklar va bank faoliyati to‘g‘risida” qonuniga muvofiq “Trastbank” xususiy aksiyadorlik bankining kuzatuv kengashi **qaror qiladi:**

1. Bank faoliyatini boshqarishning 2026 yilga belgilangan quyidagi siyosatlari tasdiqlansin:

“Trastbank” xususiy aksiyadorlik bankining 2026 yilga belgilangan depozit siyosati 1- ilovaga muvofiq;

“Trastbank” xususiy aksiyadorlik bankining 2026 yilga belgilangan dividend siyosati 2- ilovaga muvofiq;

“Trastbank” xususiy aksiyadorlik bankining 2026 yilga belgilangan investitsiya siyosati 3- ilovaga muvofiq;

“Trastbank” xususiy aksiyadorlik bankining 2026 yilga belgilangan kadrlar siyosati 4- ilovaga muvofiq;

“Trastbank” xususiy aksiyadorlik bankining 2026 yilga belgilangan kapitalni boshqarish siyosati 5-ilovaga muvofiq;

“Trastbank” xususiy aksiyadorlik bankining 2026 yilga belgilangan kredit siyosati 6- ilovaga muvofiq;

“Trastbank” xususiy aksiyadorlik bankining 2026 yilga belgilangan likvidlilikni boshqarish siyosati 7-ilovaga muvofiq;

“Trastbank” xususiy aksiyadorlik bankining 2026 yilga belgilangan muammoli aktivlar bilan ishlash siyosati 8-ilovaga muvofiq;

“Trastbank” xususiy aksiyadorlik bankining 2026 yilga belgilangan narx-navo siyosati 9- ilovaga muvofiq;

“Trastbank” xususiy aksiyadorlik bankining 2026 yilga belgilangan tavakkalchiliklarni boshqarish siyosati 10-ilovaga muvofiq;

“Trastbank” xususiy aksiyadorlik bankining 2026 yilga belgilangan xorijiy valyutadagi aktivlarni boshqarish siyosati 11-ilovaga muvofiq;

“Trastbank” xususiy aksiyadorlik bankining 2026 yilga belgilangan qimmatli qog‘ozlar emissiyasi siyosati 12-ilovaga muvofiq;

“Trastbank” xususiy aksiyadorlik bankining 2026 yilga belgilangan hisob siyosati 13- ilovaga muvofiq.

2. Mazkur qaror bilan tasdiqlangan hujjatlar 2026 yil 1 yanvardan kuchga kiradi.

Kuzatuv kengashi raisi

T.Sharipov

Toshkent shahri,
2025 yil 30 dekabr,
PS136-son.

Kuzatuv kengashi a'zolari:

M.Davidkin

S.Adilova

J.Xodjayev

M.Karimova

U.Salimov

B.Xudoyarov

**“Trastbank” xususiy aksiyadorlik bankining
2026 yilga belgilangan
DIVIDEND SIYOSATI**

Muqaddima

- 1-§. Umumiy qoidalar
- 2-§. Dividend siyosatining mohiyati
- 3-§. Dividend to‘lash to‘g‘risida qaror qabul qilish
- 4-§. Dividendni to‘lash tartibi
- 5-§. Dividend to‘lanishi haqida aksiyadorlarni xabardor qilish
- 6-§. Dividend to‘lashdagi cheklovlar
- 7-§. Dividendni soliqqa tortish
- 8-§. Yakuniy qoidalar.

Ushbu hujjat O‘zbekiston Respublikasining “Banklar va bank faoliyati to‘g‘risida”, “Aksiyadorlik jamiyatlari va aksiyadorlar huquqlarini himoya qilish to‘g‘risida” va “Qimmatli qog‘ozlar bozori to‘g‘risida” qonunlari, Qimmatli qog‘ozlar daromadlari (dividendlar, foizlar) to‘lovlarini “Qimmatli qog‘ozlar markaziy depozitariysi” aksiyadorlik jamiyati va/yoki investitsiya vositachilari orqali amalga oshirish tartibi to‘g‘risida nizom (*Adliya vazirligida 2024 yil 28 iyunda 3523-son bilan ro‘yxatga olingan*) asosida ishlab chiqildi va u “Trastbank” xususiy aksiyadorlik banki (keyingi o‘rinlarda – Bank) tomonidan dividend to‘lanishi tartibini belgilaydi hamda Bankning moliyaviy barqarorligini ta‘minlashga va aksiyadorlar huquqini himoya qilishga qaratilgan.

1-§. Umumiy qoidalar

1. Dividend Bank sof foydasining, soliq va yig‘imlar to‘langandan hamda bank kapitalini oshirishga ajratmalar amalga oshirilgandan so‘ng, aksiyadorlar o‘rtasida taqsimlash uchun qoladigan qismi hisoblanadi.

Bank o‘z aksiyasining har bir turi bo‘yicha e‘lon qilingan dividendni to‘laydi.

2. Dividend aksiyadorlar o‘rtasida ularga tegishli aksiyalar soni va turiga mutanosib ravishda taqsimlanadi.

2-§. Dividend siyosatining mohiyati

3. Bankning dividend siyosati to‘lanadigan dividend miqdorini aniqlashda Bank va uning aksiyadorlari manfaatlari uyg‘unligiga erishish, Bankning investitsion jozibadorligi, moliyaviy barqarorligi, kapitallashuvi va likvidligini oshirish, ustav kapitali daromadligini ta‘minlashga, shuningdek aksiyadorlar huquqini himoya qilish va ular hayotining farovonligini oshirishga yo‘naltirilgan faoliyatdir.

Ushbu Siyosat Bankning bozor qiymatini maksimal oshirish maqsadida Bank foydasining ishlatiladigan va kapitallashtiriladigan qismlari mutanosibligini optimallashtirishga qaratilgan foydani boshqarishga oid umumiy siyosatning tarkibiy qismi hisoblanadi.

3-§. Dividend to'lash to'g'risida qaror qabul qilish

4. Aksiyaning har bir turi bo'yicha dividend to'lash, dividend miqdori, uni to'lash shakli va tartibi to'g'risida qaror Bank kuzatuv kengashining tavsiyasi, moliyaviy hisobotning ishonchliligi haqida auditorlik xulosasi mavjud bo'lgan taqdirda, moliyaviy hisobot ma'lumotlari asosida Bank aksiyadorlari umumiy yig'ilishi tomonidan qabul qilinadi.

Dividend miqdori Bankning kuzatuv kengashi tomonidan tavsiya etilgan miqdordan ko'p bo'lmaydi.

5. Bank joylashtirilgan aksiyalar bo'yicha moliyaviy yilning birinchi choragi, yarim yilligi, to'qqiz oyi yakunlariga ko'ra va/yoki moliyaviy yil yakuniga ko'ra dividend to'lashga haqli hisoblanadi. Moliyaviy yilning birinchi choragi, yarim yilligi va to'qqiz oyi yakunlariga ko'ra dividend to'lash to'g'risida qaror tegishli davr tugagandan keyin 3 oy ichida qabul qilinishi mumkin.

6. Bank aksiyadorlari umumiy yig'ilishi dividend to'lash yuzasidan quyidagicha qaror qabul qilishi ham mumkin:

a) Bank ustav kapitalini ko'paytirish maqsadida o'tgan yillar taqsimlanmagan foydasini kapitalizatsiya qilish yo'li bilan qo'shimcha aksiyalar chiqarish va ularni aksiyadorlar orasida ularning ustav kapitalidagi ulushiga mutanosib ravishda taqsimlash haqida;

b) Bankning moliyaviy holatini yaxshilash maqsadida dividendni ustav kapitalini ko'paytirishga yo'naltirish (foydani kapitalizatsiya qilish) haqida;

d) agar dividend to'lanadigan paytda Bankda bankrotlik belgilari mavjud bo'lsa yoki shunday belgilar dividend to'lash natijasida paydo bo'lishi kutilsa, aksiyalarning muayyan turlari bo'yicha dividend to'lamaslik to'g'risida, shuningdek Bank ustavida dividend miqdori belgilab qo'yilgan imtiyozli aksiyalar bo'yicha to'liq bo'lmagan miqdorda dividend to'lash haqida.

7. Imtiyozli aksiyalar bo'yicha dividend to'lash Bank ustaviga muvofiq amalga oshiriladi.

4-§. Dividendni to'lash tartibi

8. Dividend aksiyadorlarga quyidagilar asosida to'lanadi:

a) moliyaviy yilning birinchi choragi, yarim yilligi va to'qqiz oyi yakunlari, shuningdek moliyaviy yil yakuni bo'yicha Bank sof foyda olgan bo'lsa;

b) Bank kuzatuv kengashining dividend miqdori va uni to'lash tartibiga oid tavsiyasi ifodalangan qarori mavjud bo'lsa;

d) Bank aksiyadorlari umumiy yig'ilishining moliyaviy yilning birinchi choragi, yarim yilligi va to'qqiz oyi yakunlari, shuningdek moliyaviy yil yakuniga ko'ra dividend to'lash

to'g'risida qarori mavjud bo'lsa.

9. Dividendga yo'naltiriladigan mablag' hajmi "Banklar kapitalining monandligiga qo'yiladigan talablar to'g'risida nizom" (*Adliya vazirligida 2025 yil 28 oktabrda 3697-son bilan ro'yxatga olingan*) asosida kapital zaxiralar, standart aktivlarga yaratilgan zaxiralar, "substandart", "qoniqarsiz", "shubhali" va "umidsiz" sifatida tasniflangan aktivlar bo'yicha ehtimoliy zararlarni qoplashga mo'ljallangan maxsus zaxiralar shakllantirilgandan so'ng qolgan sof foydadan kelib chiqib aniqlanadi.

10. Dividend quyidagi shakllarda to'lanadi:

a) pul mablag'i ko'rinishida;

b) Bank aksiyalari ko'rinishida (dividendni ustav kapitalini ko'paytirishga yo'naltirish). Imtiyozli aksiyalar bo'yicha dividendni Bank aksiyalari bilan to'lashga yo'l qo'yilmaydi.

11. Bank "Qimmatli qog'ozlar markaziy depozitariysi" aksiyadorlik jamiyati bilan aksiyalar bo'yicha dividend to'lovini amalga oshirish yuzasidan xizmat ko'rsatish shartnomasi tuzadi.

12. Bank aksiyadorlari umumiy yig'ilishi dividend to'lanishi haqida qaror qabul qilingan kundan boshlab 10 kun ichida Bank "Qimmatli qog'ozlar markaziy depozitariysi" aksiyadorlik jamiyatiga dividendni hisoblash va to'lash uchun aksiyadorlar reyestrini shakllantirish haqida xat taqdim etadi. Ushbu xatga Bank aksiyadorlari umumiy yig'ilishining aksiyalar bo'yicha e'lon qilingan dividend miqdori to'g'risidagi qaroridan ko'chirma ilova qilinadi.

13. "Qimmatli qog'ozlar markaziy depozitariysi" aksiyadorlik jamiyati Bankning xati olingan kundan boshlab 2 ish kuni ichida dividendni hisoblash va to'lash uchun aksiyadorlar reyestrini tuzadi hamda uni dividend bo'yicha soliq hisob-kitobini amalga oshirish uchun Bankka taqdim etadi.

14. Bank dividend bo'yicha soliqni hisoblaydi va to'laydi, so'ng to'lanishi kerak bo'lgan mablag' ko'rsatilgan "Trastbank" xususiy aksiyadorlik banki aksiyalari egalari reyestri"ni "Qimmatli qog'ozlar markaziy depozitariysi" aksiyadorlik jamiyatiga taqdim etadi hamda aksiyadorlarga to'lanishi kerak bo'lgan mablag'ni "Qimmatli qog'ozlar markaziy depozitariysi" aksiyadorlik jamiyatiga o'tkazadi.

15. "Trastbank" xususiy aksiyadorlik banki aksiyalari egalari reyestri"ga kiritilgan aksiyadorlarga dividend to'lash "Qimmatli qog'ozlar markaziy depozitariysi" aksiyadorlik jamiyati tomonidan quyidagicha amalga oshiriladi:

a) to'lanishi kerak bo'lgan dividend mablag'i kelib tushgan kundan e'tiboran 2 ish kuni ichida aksiyador-jismoniy shaxslarning shaxsiy hisobvarag'iga ularga tegishli bo'lgan pul mablag'ini o'tkazish orqali;

b) to'lanishi kerak bo'lgan dividend mablag'i kelib tushgan kundan e'tiboran 3 ish kuni

ichida aksiyador-yuridik shaxslarning bank hisobvarag'iga ularga tegishli bo'lgan pul mablag'ini o'tkazish orqali.

“Qimmatli qog'ozlar markaziy depozitariysi” aksiyadorlik jamiyati, aksiyadorlarga dividend to'langandan so'ng 3 kun ichida, amalga oshirilgan dividend to'lash operatsiyasi to'g'risidagi hisobotni Bankka taqdim etadi.

16. Aksiyador tomonidan yashash manzili, bank rekvizitlari va hisobvarag'i o'zgarganligi ma'lum qilinmaganligi (“Qimmatli qog'ozlar markaziy depozitariysi” aksiyadorlik jamiyatida va investitsiya vositachilarida ma'lumotlar yangilanmaganligi) tufayli unga dividend o'z vaqtida to'lanmasa, Bank javobgar bo'lmaydi.

To'lanmagan dividendga foiz hisoblanmaydi.

17. Dividend aksiyadorga Bank aksiyadorlari umumiy yig'ilishi tomonidan belgilangan muddatda Bankning aybi bilan to'lanmagan taqdirda, ushbu dividend bo'yicha O'zbekiston Respublikasi Markaziy bankining asosiy stavkasidan kelib chiqqan holda penya hisoblanadi. Dividend bo'yicha hisoblanadigan penya miqdori to'lanmagan dividendning 50 foizidan ortiq bo'lmashligi lozim.

18. Birinchi navbatda imtiyozli aksiyalarga, so'ng oddiy aksiyalarga dividend to'lanadi.

Imtiyozli aksiyalar bo'yicha qat'iy belgilangan dividendni to'lash uchun yetarli miqdorda joriy yil sof foydasi mavjud bo'lgan taqdirda Bank mazkur aksiyalar egalariga dividend to'lashni rad etishga haqli emas. Joriy yil sof foydasi yetarli bo'lmaganda yoki zarar ko'rib ishlayotganda imtiyozli aksiyalar bo'yicha dividend Bankning kapital zaxiralari hisobidan va ushbu zaxiradagi mavjud mablag' doirasida to'lanishi mumkin.

19. Bank norezident aksiyadorning yozma arizasiga ko'ra unga hisoblangan dividendni erkin ayirboshlanadigan xorijiy valyutaga ayirboshlaydi va ushbu mablag'ni norezident aksiyador yozma ravishda taqdim etgan bank rekvizitlari bo'yicha o'tkazib beradi.

5-§. Dividend to'lanishi haqida aksiyadorlarni xabardor qilish

20. Bank dividend miqdorini undan undiriladigan soliqni inobatga olmagan holda e'lon qiladi. Bank to'lanadigan dividend miqdori to'g'risida ma'lumotni qimmatli qog'ozlar bozorini tartibga solish bo'yicha vakolatli davlat organi veb-saytida, shuningdek Bankning rasmiy veb-saytida O'zbekiston Respublikasi normativ-huquqiy hujjatlarida belgilangan muddatda e'lon qiladi.

6-§. Dividend to'lashdagi cheklovlar

21. Bank quyidagi hollarda dividend to'lash haqida qaror qabul qilishga haqli emas:

a) prudensial normativlar O'zbekiston Respublikasi Markaziy banki tomonidan belgilangan talablarga muvofiq bo'lmaganda yoki ular mazkur dividendni to'lash oqibatida buzilganda;

b) to'lovga qobiliyatsiz bo'lganda yoki dividend to'lash oqibatida to'lovga qobiliyatsizlik alomatlari yuzaga kelganda;

d) O'zbekiston Respublikasi Markaziy bankining ijro etilishi majburiy bo'lgan ko'rsatmasida aks ettirilgan, shu jumladan axborotni oshkor etish borasida ko'rsatilgan kamchiliklar bartaraf etilmaganda yoki ularni bartaraf etish imkoniyati mavjud bo'lmaganda;

e) Bankka nisbatan O'zbekiston Respublikasi Markaziy bankining dividend to'lashni to'xtatish (foydani taqsimlamaslik) to'g'risida talabi mavjud bo'lsa;

f) Bank sof aktivlarining qiymati uning ustav kapitali (30300-hisobvaraq) va zaxira kapitali (30900-hisobvaraq) yig'indisidan kam bo'lsa.

22. Ushbu Siyosatning 21-bandida ko'rsatilgan holatlar bartaraf etilgach, Bank hisoblangan dividendni aksiyadorlarga to'lab beradi.

23. Bank quyidagi hollarda dividend to'lash (foydani taqsimlash) uchun O'zbekiston Respublikasi Markaziy bankining roziligini oladi:

a) to'lanadigan dividendlarning umumiy qiymati Bank o'z kapitalining (regulyativ kapitalining) o'n foizidan ortganda;

b) joriy yoki o'tgan chorakni va (yoki) moliya yilini zarar bilan yakunlaganda.

7-§. Dividendni soliqqa tortish

24. To'lanadigan dividend O'zbekiston Respublikasi normativ-huquqiy hujjatlariga muvofiq soliqqa tortiladi.

8-§. Yakuniy qoidalar

25. Mazkur Siyosat normalariga xizmat faoliyati yuzasidan dividend masalasiga daxldor xodimlar rioya etishlari shart.

26. Ushbu Siyosat ijrosini ta'minlash va nazorat qilish Bank boshqaruvi va Qimmatli qog'ozlar boshqarmasiga yuklatiladi.

Boshqaruv raisi

S.Normuxamedov

Boshqaruv a'zolari bilan kelishildi:

Boshqaruv raisi o'rinbosari	K.Gabbazov
Boshqaruv raisi o'rinbosari	Z.Kurganov
Buxgalteriya hisobi va hisoboti departamenti direktori	A.Mamatkulov
Strategik rivojlanish departamenti direktori	S.Urmanova
Iqtisodiy tahlil va statistika departamenti direktori	M.Muxammedyarova
G'aznachilik departamenti direktori	J.Usmonaliyev
Komplaens-nazorat departamenti direktori	B.Qambarov
Yuridik departament direktori	O.Xikmatullayev